

vnd geschwartztem Silber / auch mit im
aquafort gefallenem braunem Scheide-
goldtsalch bestrawet; item die Dinte dar-
mit temperirt gewesen; Bisweilen auch
solutiones argenti vel auri ins Pappier
man imbibiret gehabt.

Kohlstaub von in solvirtem Golde
eingetrencktem Kohlen / die materialia dar-
mit stratificirt, vnd niederschlagens hal-
ben oben im Ziegel damit zugedeckt / thut
auch viel zur Sache.

Schmelz Ziegel mit doppelten Bö-
denen / der vndere dick / der obere gar
dünn / darzwischen Goldt liegt / vnd
man im vmbbrühren mit der Kluffe oder
Rührreusen kan entzwey stossen / daß das
Goldt herfür kömmet / wissen solche Bu-
ben auch wol machen zu lassen / vnd be-
trüglich zugebrauchen.

Insonderheit hierzu præparirte Zie-
gel / mit durchscharffe Wasser solvirtem
B Silber